



Broj: 01,02-02-1-1855/16

Sarajevo, 8.7.2016.


Parlamentarna skupština BiH

Kolegij Predstavničkog doma

Kolegij Doma naroda

Ustavnopravna komisija Predstavničkog doma

Ustavnopravna komisija Doma naroda



Na osnovu člana 106. st. (1) i (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15) i člana 97. st. (1) i (2) Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15 i 96/15), Zakonodavno-pravni sektor dostavlja

MIŠLJENJE

o usklađenosti Prijedloga zakona o izmjenama i dopuni Zakona o uplatama na jedinstveni račun i raspodjeli prihoda s članom 105. Poslovnika Predstavničkog doma, članom 95. Poslovnika Doma naroda Parlamentarne skupštine BiH i Jedinstvenim pravilima za izradu pravnih propisa u institucijama Bosne i Hercegovine

Aktom predsjedavajućeg Predstavničkog doma, broj: 01,02-02-1-1855/16, od 7.7.2016., te aktom predsjedavajućeg Doma naroda, broj: 01,02-02-1-1855/16, od 8.7.2016., Zakonodavno-pravnom sektoru dostavljen je Prijedlog zakona o izmjenama i dopuni Zakona o uplatama na jedinstveni račun i raspodjeli prihoda (u daljnjem tekstu: Prijedlog zakona) radi davanja mišljenja o usklađenosti Prijedloga zakona s članom 105. Poslovnika Predstavničkog doma i članom 95. Poslovnika Doma naroda, te Jedinstvenim pravilima za izradu pravnih propisa u institucijama BiH.

Prijedlog zakona, broj: 01,02-02-1-1855/16, od 7.7.2016., podnijelo je Vijeće ministara BiH, kao ovlašteni predlagač, u skladu s članom 104. stav (1) Poslovnika Predstavničkog doma i članom 94. stav (1) Poslovnika Doma naroda, uz prijedlog da se razmatra po hitnom zakonodavnom postupku.

I. Usklađenost s odredbama Poslovnika Predstavničkog doma i Poslovnika Doma naroda Parlamentarne skupštine BiH

Tekst Prijedloga zakona je, u skladu s članom 105. stav (1) Poslovnika Predstavničkog doma, odnosno članom 95. stav (1) Poslovnika Doma naroda, podnesen u pisanoj i elektronskoj formi, na jezicima i pismima u službenoj upotrebi u BiH, uz napomenu da tekst Prijedloga zakona na bosanskom jeziku *nije terminološki usklađen* sa izvornim tekstom Zakona.

Uz Prijedlog zakona dostavljeno je obrazloženje, koje sadrži:

1. ustavni osnov,
2. razloge za donošenje propisa,
3. obrazloženje predloženih rješenja te
4. finansijska sredstva.

U skladu s navedenim, u obrazloženju Prijedloga zakona **nisu navedeni** principi na kojima se on zasniva, što je predviđeno kao obaveza po članu 105. stav (3) tačka c) Poslovnika Predstavničkog doma i članu 95. stav (3) tačka c) Poslovnika Doma naroda. Također, u odgovarajućem dijelu obrazloženja, navedeno je da usvajanje predloženog zakona zahtijeva dodatna finansijska sredstva, ali **nije ponuđena** njihova procjena, kako je propisano članom 105. stav (3) tačka d) Poslovnika Predstavničkog doma i članom 95. stav (3) tačka d) Poslovnika Doma naroda.

Uz Prijedlog zakona dostavljeno je: Mišljenje Direkcije za evropske integracije; Mišljenje Ureda za zakonodavstvo i Mišljenje Ministarstva finansija i trezora BiH, *koje se odnosi na tri prijedloga zakona istovremeno dostavljena u proceduru* - Prijedlog zakona o izmjenama i dopuni Zakona o uplatama na jedinstveni račun i raspodjeli prihoda, Prijedlog zakona o izmjeni Zakona o sistemu indirektnog oporezivanja i Prijedlog zakona o izmjenama i dopunama Zakona o akcizama u BiH.

Uz Prijedlog zakona **nisu dostavljene** odredbe članova koje se mijenjaju, odnosno dopunjavaju, kao ni verzija prečišćenog teksta, što je previđeno odredbama člana 105. stav (5) Poslovnika Predstavničkog doma i člana 95. stav (5) Poslovnika Doma naroda.

Iz navedenog proizlazi da Prijedlog zakona **nije usklađen** s članom 105. Poslovnika Predstavničkog doma, te s članom 95. Poslovnika Doma naroda.

II. Usklađenost s Jedinstvenim pravilima za izradu pravnih propisa u institucijama Bosne i Hercegovine ("Službeni glasnik BiH", br. 11/05, 58/14 i 60/14)

Prijedlog zakona svojom strukturom, formom i stilom u većoj mjeri odražava pravila izrade pravnih propisa, kako je i propisano Jedinstvenim pravilima za izradu pravnih propisa u institucijama Bosne i Hercegovine, te je **usklađen** s Jedinstvenim pravilima za izradu pravnih propisa u institucijama Bosne i Hercegovine, **uz određene greške tehničke prirode** koje se odnose na dosljedno označavanje stavova prilikom pozivanja, odnosno dosljedno praćenje izvornog teksta propisa prilikom izrade izmjena, odnosno dopuna propisa.

Dostaviti:

1. naslovu

Rukovoditeljica
Zakonodavno-pravnog sektora
Mirjana Kutanjac

